

Na osnovu člana 1. Zakona o koncesijama ("Službene novine FBiH", broj:40/02, 61/06), članova 8. i 56. Zakona o principima lokalne samouprave ("Službene novine FBiH", broj:49/06) i člana 13. Statuta Općine Tešanj («Službeni glasnik Općine Tešanj», broj: 11/07), Općinsko vijeće Tešanj na svojoj 28. sjednici održanoj dana 28.04.2011. godine, donijelo je

ODLUKU o davanju saglasnosti

Član 1.

Daje se saglasnost na mogućnost dodjele koncesije na istraživanje i eksploataciju mineralnog resursa lerzolita (magnatska ultrabazična stijena sa manje od 45 % SiO₂) na lokalitetu „Lijepo brdo“ općina Tešanj, u površini od 19.314 m², na parceli označenoj kao k.p. broj:1466/1 zvana „Lijepo brdo“-šuma 3. klase upisana u PL broj 103 K.O. Mrkotić kao posjed JP „Šumarstvo“ Tešanj sa dijelom 1/1.

Član 2.

Prostor predviđen za eksploataciju, površine 19.314 m² definisan je koordinatama prelomnih tačaka obrađenih Studijom ekonomske opravdanosti dodjele koncesije na istraživanju i eksploataciji lerzolita na lokalitetu „Lijepo brdo“ općina Tešanj.

Lokalitet predviđen za eksploataciju je dio:

- Zemljišta označenog kao k.p. br.1466/1 zvana „Lijepo brdo“- šuma 3. klase površine 2217954 m² upisana u Posjedovni list broj:103 K.O. Mrkotić kao posjed JP „Šumarstvo“ Tešanj sa dijelom 1/1, kojoj prema podacima starog premjera odgovara nekretnina koja je u Zemljišnim knjigama označena kao: k.p.br. 674/1 dio zvana „Zmajevac“ šuma površine 953323 m², upisano u zemljišno knjižni uložak broj:49 za K.O. Kalošević kao Državna svojina sa dijelom 1/1 i upisanim pravom upravljanja u korist Skupštine opštine Tešanj sa dijelom 1/1.

Član 3.

Odlukom o provođenju izmjena i dopuna prostornog plana Općine Tešanj („Službeni glasnik Općine Tešanj“, broj: 7a/09) utvrđen je način korištenja prostora za eksploataciju mineralnih i nemineralnih sirovina. U grafičkom prikazu površina posebne namjene, prostor rezervisan za eksploataciju mineralnih sirovina nalazi se na lokaciji koja nije definisana na predloženom lokalitetu. No i pored toga članom 15. Odluke ostavljena je mogućnost odobravanja gradnje izvan granica građevinskog zemljišta u posebnim slučajevima: između ostalog "istraživanje, iskorištavanje i uređivanje prostora prirodnih dobara (mineralne sirovine, šume, vode, poljoprivredno zemljište i dr.)“.

Član 4.

Član 64. Odluke o provođenju izmjena i dopuna prostornog plana Općine Tešanj na grafičkom

prilogu br. 18 kao i tabelarno u tekstualnom dijelu plana, evidentirao je objekte kulturno historijskog nasljeđa. U skladu s tim na lokalitetu planiranom za dodjelu koncesije nema evidentiranih objekata kulturno-historijskog nasljeđa.

Član 5.

Na osnovu podataka iz člana 106. Odluke o provođenju izmjena i dopuna prostornog plana Općine Tešanj, Strategije razvoja Općine Tešanj 2007.-2015., te podataka kojima raspolaže nadležna općinska služba, poznata su izvorišta koja se zaštićuju i koja služe stanovništvu za snadbijevanje vodom, ili koja mogu da predstavljaju rezerve za buduće vodosnadbijevanje.

U skladu s tim na lokalitetu planiranom za dodjelu koncesije nisu evidentirane zone sanitarne zaštite izvorišta voda koje se koriste ili se planiraju koristiti za snadbijevanje stanovništva pitkom vodom.

Izuzetak predstavlja „spomen voda“ izgrađena od strane mještana naselja Kalošević, koja se nalazi u blizini lokaliteta planiranog za dodjelu koncesije. Spomen voda je uz magistralnu cestu M-4, u naseljenom mjestu Kalošević. Prilikom provođenja procedure dodjele koncesije, zaključivanja ugovora o koncesiji te adekvatnim nadzorom, potrebno je obezbijediti da se „spomen voda“ sačuva u postojećem stanju.

Član 6.

U toku provođenja procedure dodjele koncesije, u skladu sa zakonskim propisima koji regulišu ovu oblast, obezbijediti adekvatnu zaštitu okolnog zemljišta, privatnih parcela od urušavanja ili eventualne pojave klizišta i sl., sanaciju površinskog kopa nakon završetka eksploatacije.

Obaveza je korisnika koncesije da sve ceste (lokalne i nerazvrstane) koje koristi održava ispravnim, da poslije završetka eksploatacije sve korištene resurse, a koji su javno dobro vrati u prvobitno stanje.

Obaveza davaoca koncesije je da sve gore navedene uslove unese u Ugovor o davanju koncesije.

Član 7.

Ova odluka stupa na snagu danom donošenja, a objavit će se u "Službenom glasniku Općine Tešanj".

OPĆINA TEŠANJ OPĆINSKO VIJEĆE

PREDSJEDAVALJUĆI VIJEĆA Esmir Subašić, s. r.

Broj: 01-18-1-836-2 /11.

Datum: 29.04.2011. godine

Na osnovu člana 14. stav 1. Zakona o komunalnim djelatnostima ("Službene novine ZE-DO kantona", broj: 17/08), člana 35. stav 1. Zakona o zaštiti potrošača u Bosni i Hercegovini ("Službeni glasnik BiH", broj: 25/06) i člana 13. Statuta Općine Tešanj («Službeni glasnik Općine Tešanj», broj:

11/07), Općinsko vijeće Tešanj na svojoj 28. sjednici održanoj dana 28.04.2011. godine, donijelo je

ODLUKU
o izmjenama i dopunama Odluke
o vodovodu i kanalizaciji

Član 1.

U članu 9. Odluke o vodovodu i kanalizaciji («Službeni glasnik Općine Tešanj», broj: 10/05 i 4/09) ispred stav 1. dodaje se novi stav koji glasi:

„Vodovodni priključak vrši se u skladu s odredbama ove Odluke i Općih i tehničkih uslova priključenja na mrežu općinskog vodovoda (koji su sastavni dio ove Odluke).

Dosadašnji stavovi 1., 2., 3. i 4. postaju 2., 3., 4. i 5.

Član 2.

Član 32. mijenja se i glasi:

„Obračun utrošene vode koju plaća korisnik vrši se prema utrošenoj količini vode pokazanoj na vodomjeru (očitaavaju se samo cijeli metri kubni).

Osnova za obračun utrošene vode je količina izmjerena na zbirnom vodomjeru.

U stambenim objektima kolektivnog stanovanja sa više stambenih jedinica u kojima nisu postavljeni pojedinačni vodomjeri, utrošak vode izmjerene na zbirnom vodomjeru obračunava se proporcionalno broju članova domaćinstva u stambenoj jedinici.

U stambenim objektima kolektivnog stanovanja sa više stambenih jedinica u kojima su postavljeni pojedinačni vodomjeri, raspodjela ukupno utrošene vode u objektima po pojedinačnim korisnicima vršiti će se na slijedeći način:

- Korisnicima koji imaju ugrađene pojedinačne vodomjere (shodno općim i tehničkim uslovima) obračun utrošene vode se vrši na osnovu pojedinačnog vodomjera korisnika.
- Razlika količine utrošene vode koja se dobije kada se od ukupno registrovane količine na zbirnom vodomjeru oduzme zbir količina registrovanih na pojedinačnim vodomjerima korisnika će biti obračunata korisnicima koji nemaju ugrađene pojedinačne vodomjere (ili vodomjeri nisu ugrađeni u skladu sa općim i tehničkim uslovima), po članu domaćinstva na osnovu zvaničnog spiska dostavljenog od strane osobe ovlaštene za zastupanje etažnih vlasnika, u maksimalnoj količini od 5 m³ mjesečno po članu domaćinstva.

Eventualna razlika količina koja se dobije kada se od ukupno registrovane količine na zbirnom vodomjeru oduzme zbir količina registrovanih na pojedinačnim vodomjerima i ukupna količina obračunata korisnicima koji nemaju ugrađene pojedinačne vodomjere, biće raspoređena proporcionalno količinama utrošene vode utvrđene na osnovu stava 2. ovog člana.

Član 3.

Ova Odluka stupa na snagu narednog dana od dana objavljivanja u "Službenom glasniku Općine Tešanj".

OPĆINA TEŠANJ
OPĆINSKO VIJEĆE

PREDSJEDAVAJUĆI VIJEĆA

Esmir Subašić, s. r.

Broj: 01-02-1-1289-2/11.

Datum: 29.04.2011. godine

Na osnovu člana 14. Statuta Općine Tešanj ("Službeni glasnik Općine Tešanj", broj: 11/07), a u vezi sa članom 8. Alineja 8. i 9. i člana 13. Alineja 5. Zakona o principima lokalne samouprave u Federaciji Bosne i Hercegovine („Službene novine FBiH“, broj: 49/06), Općinsko vijeće Tešanj na svojoj 28. sjednici održanoj dana 28.04.2011. godine, donijelo je

ODLUKU

o izmjenama i dopunama Odluke o davanju
nekretnina na korištenje

Član 1.

U Odluci Općinskog vijeća Općine Tešanj broj:01-31-1-4135-3/10 od 14.10.2010.g. objavljenoj u („Službenom glasniku Općine Tešanj“, broj: 7/10) u članu 1. tačka 1.1.

riječi „k.p.br.997/1 zv.“Jezero“ njiva 5 klase površine 10231m²“

mijenjaju se i glase:

„k.p.br.997/1 zv.“Jezero“ njiva 5 klase površine 10036m²“

u članu 1. tačka 1.2.

iza riječi: „Kinološkom klubu „PAS“ Tešanj zemljište koje je označeno kao k.p.br.997/3 zv.“Jezero“ njiva 5 klase površine 2000m²“,

dodaju se riječi „k.p.br.997/4 zv.“Jezero“ njiva 5 klase površine 1193m² i k.p.br.997/5 zv.“Jezero“ njiva 5 klase površine 574m²“,

Član 2.

U ostalom dijelu Odluka ostaje neizmijenjena.

Član 3.

Ova Odluka stupa na snagu narednog dana od dana objavljivanja u "Službenom glasniku Općine Tešanj."

OPĆINA TEŠANJ
OPĆINSKO VIJEĆE

PREDSJEDAVAJUĆI VIJEĆA

Esmir Subašić, s. r.

Broj: 01-31-8-1173-10/11.

Datum: 29.04.2011. godine